

SEPTEMBER 2014

	Telephone	Fax
Hermanus	028 313 8000	028 312 1894
Gansbaai	028 384 8300	028 384 0241
Kleinmond	028 271 8400	028 271 4100
Stanford	028 341 8500	028 341 0445

24 Hour Emergency	028 313 8000/8111
Fire Brigade	028 312 2400

# Bulletin

*Incwadi ethunyelwa amalungu e-Bhunga le Overstrand esesikweni*

UTata Mandela ufana nosaphilayo

## UMFANEKISO OWENZIWEYO WASEOVER-STRAND OWENZELWE INKOKHELI EYIYO



*Usodolophu wase Overstrand uNicolette Botha-Guthrie kunye noCeba*

Ngomhla we-18 Julayi 2014, uSodolophu u Nicolette Botha-Guthrie uthile umsebenzi ongumzama wamatyendye amabini aseZwelihle angaRaphael noPhambili wona azobe umfanekiso ozotywe ngeethayile zemosaic katata wesizwe uNelson uRolihlahla Mandela bamenza wafana nophilayo. Lo mfanekiso wenziwe ngeethayile zemosaic enye ibekwe phezu kwenye ngenjongo yokuphuhlisa kuhle umfanekiso katata uMandela le indlela ebonisa uhlobo abaziva ngalo abantu baseOverstrand nemvakalelo yabo ngoMadiba, utshilo uBotha-Guthrie xa ebevula esi sinikezelo.

Ngokungqameneyo noku, amalungu amabini ebhunga elikhulu nelo labancinci banikele ngemizuzu yabo engama-67 ngoSuku lukaMandela ukwangeza lo mfanekiso omhle ngokunikela ebantwini:

- Izikhafu neeglavu ezintle zinihiwe ngamalungu oluntu ngewulu esuka kwinkxaso-mali yengxowa yabucala kaSodolophu zithe zanikezelwa kubafundi bezikolo ezintathu kwiindawo zabahleleleki-leyo;
- "UMother Teresa" omibala ipinki naluhlaza okwesibhakabhaka naye unikezelwe ngamalungu oluntu kwizibhedlele zephondo;
- Kwaye abantwana bonke abahamba iikhrishi abakwiindawo zaseOverstrand baphiwe iijezi ezimibala ngeenjongo zokubenza balonwabele usuku lwabo.

Emva koko kubekho iWonder bags (izipheki ezipheka ngaphandle kombane) ezinikezelwe uluntu lwaseWestdene, Mt Pleasant, Over Hills, Mooi Uitsig, eZwelihle nase-Hawston ukukhankanya nje ezimbalwa.

Wonke ubani ehlangene ngomoya omhle wobonelelo nolwabelwano oko kusenziwa njengomzekelo wesizwe esintlanga-ninzi. Sanga singahlala siseso sizwe sigcine umzila kaMadiba siwenze ibe ngumsebenzi wethu ukujonga abo baswelelo.



*Izinxibo zesandla ne zikhafu zilungele ukunikwa abantu*

## UKULUNGISWA NGOKUTSHA NOKUVALWA KWEZIGINGQI KWIINDLELA ZASEOVERSTRAND KWAKUQALA KUTSHA



Indlela eyintlanganisela eOverstrand ngama-482 km ubude. Ukuze zibe nokugcinakala ngolungiso ezi ndlela, uMasipala usebenzisa inkqubo yokulondolozwa kwepavumente efuna ukuba kumana kuhlolwa iindawo ezithile kwiindlela nganye kube kabini ngon-

yaka. Zaye zaqokelelwa ezi nkukacha, kwaye ziza kusetyenziselwa iinjongo zesisicwangciso-qhinga nohlalo-mali ndawonye nokubeka phambili umsebenzi wolungiso ndlela.

Ukulandela iinkqubo zokwenziwa kweethenda, iAmandla GCF Construction cc yiyo eyaqeshelwa ukuba igangathe ihlaziye iindlela eOverstrand kwisivumelwano sokusebenza isithuba esiphela ngomhla wama-31 kuMatshi ngowama-2016 ngexabiso elizizigidi ezingama-R39

(ezithatha yomibini iminyaka-mali u-2014/15 no-2015/16).

Kuqikelelwa ukuba phantse ibe ngama-20 km iindlela eziya kube zilungisiwe kulo nyaka-mali umiyo, kwaye loo msebenzi uya kuqala ngoSeptemba ngowama-2014 kummandla waseKleinmond, kulandele iGansbaai/Stanford kunye neHermanus.

Ukukhutshwa kwesibhengezo kumaphephandaba, kuya kubenza abahlali bahlele benolwazi ngomsebenzi oza kwenziwa, xeshikweni ukuvalwa kwezitalatlo ezichaphazelekayo kuya kwaziswa kwangaphambi kokuba zilungiswe iindlela ngusokotraki.

Ukusetyenzwa kweendlela kungeza nophazamiseko lwexeshana kubahlali, kodwa kuya kwenziwa ngako konke okusemandleni ukulucutha kangangoko olo phazamiseko, lwenziwe nolungiselelo lokukhusela ukuqinisekisa ukuba lukhuselekile uluntu kwanabasebenzi bekhontraki ngokunjalo.

Nakuba kunjalo, uMasipala waseOverstrand uyababongoza bonke abachaphazelekayo ukuba babe nomonde ngeli xesha kusetyenzwa iindlela.

# EZEMIDLALO ZINXULUNYANISWA NENQWELO EPHUCULA INGQESHO KULUTSHA



**ULean Terblanche, uMichael Lutzeier wase Grootbos Foundation; uLurette Rudolph, uAndy de la Mare wase ABSA kanye no uSodolophu kamasipala waseOverstrand uNicolette Botha-Guthrie**

NgoLwesithathu umhla we-16 Julayi 2014 kumiselwe ukwenziwa ngcono kweziko lokuzilolonga nelemidlalo elixabisa izigidi zeerandi eGanbaai, omnye wabaxhasi yibhanki iABSA, ezi zindaba ezimnandi ingakumbi kulutsha lwaseOverstrand: Ukumiselwa kwenkqubo yokwenza ulutsha luqesheke lukwaxhotyiswa nangezakhono zoshishino, oku kusenzelwa ulutsha ukuba lube ngosomashishini bangomso.

Isithethi saseABSA, uAndy de la Mare, uthe le nkqubo ijoliswe ebantwini abatsha ngenjongo yokuba bazidalele awabo amathuba emisebenzi ngokwenza njalo bakwazi ukuzimela. Ekugqibeleni le nkqubo ayisayi kufundisa

izibalo nezakhono kuphela koko iya kubafundisa abantu ukuba bakwazi ukuzimela.

NgokukaDe la Mare, "ezemidlalo ziphucula indlela ubani enza ngayo izinto" kwaye zincele "ukwakha umzimba nengqondo esempilweni" ngoko ke oku kwenza ukuba le nkqubo ibe yeyona ephambili ekuphuhliseni ulutsha. Eli linga lixhasiwe nguMphathiswa weSebe leMicimbi yeNkcubeko nemiDlalo uGqirha Nomafranch Mbombo, othe kwintetho yakhe wagxininisa ukuba abantwana emakhaya mabakhuthazwe ekuthatheni inxaxheba kwezemidlalo kwaye "umntwana othanda imidlalo ungophumeleleyo!"

Kulwamkelo lwakhe uSodolophu uNicolette Botha-Guthrie uziqaphile iintetho zamahlakani amane - uMasipala waseOverstrand, iBarclays ngokusebenzisana neABSA, iSebe leMicimbi yeNkcubeko nemiDlalo ne-Grootbos Foundation - abathe kwiminyaka edlulileyo basebenza ngokuzimisela ukwenza iinkqubo i'Spaces for Sport' zibe nale mpumelelo ezinayo namhlanje.

Evuma ukuba kusekude ukugqitywa kwesi sicwangciso sikhulu kangaka ekujoliswe kuso sokuphuhlisa iziko lemiDlalo laseGansbaai esakwenziwa ngemali engangezigidi ezingama-R130. Ujike wathi "ukutshintsha kwendlela yokwenza izinto nokuphila kulutsha olusebenzisa ezi nkqubo kokona kubalulekileyo ubani angafuna ukwenza".

Ukwangeza koko kwakuphuculwa kwendawo yokuzilolonga, libala lokudlala ibhola ekhatywayo nelifakelwe ingca engesiyo ncam eyoyokuqala eMzantsi Afrika, ibala leqakamba elinenethi, ibala lentinetya/ ibhaskethibholi/nehola yomnyazi namagumbi okutshintshela nawokuhlamba oluntu.

## INKXALABO EMALUNGA NOKUBEK'ESWENI KWEEMFENE ISONJULULWE

Ngombulelo ongazenzisiyo kwiWorking for the Coast, eliphulo leNkqubo eyoNgezelelweyo yeMisebenzi yoLuntu (EPWP) yokubek'esweni kweemfene ibuyiselwe kwakhona.

IWorking for the Coast, phantsi kwe-arhente ephumezayo iMilongani Eco-consulting, ivumile ukulawula nokunika inkxaso-mali ethile kule nkqubo emva kokuba uMasipala waseOverstrand echazile ngowe-20 Juni ukuba uyayeka ukubonelela ngale nkqubo.

Kwixa elizayo, impahla yokusebenza kwabasebenzi iyakuba yi-ovaro ebhaliweyo ehamba nomnqwazi, oku kunikezelwa yiWorking for the Coast yona eza kuhlawula nabasebenzi

abakusebenza ishiti ukususela ngentsimbi ye-06:00 ukuya kweye-20:00 ehlotyeni kanti ebusika baqala ngentsimbi ye-07:00 ukuya kweye-19:00. (Inkcukacha ngamaxesha okusebenza kwabasebenzi kwindawo yakho ungawafumana kwifisi kamasipala ekufuphi nawe).

UMasipala waseOverstrand yena wobonelela ngezithuthi zokuthutha abasebenzi kwakunye nezixhobo zokusebenza, kwaye unokutsalela kulo mnxeba ulandelayo uchaze nangazo naziphi na izenzo ezinxulumene neemfene nalo naliphi na ixesha ukutsho oko-24/7.

Abahlali mabazi ukuba abasebenzi batsha bokubek'esweni iimfene basephantsi koqeqe-

sho. Niyacelwa ukuba nibe nomonde ngelixa kusalungiswa izinto ukuba zihamber ngendlela eyiyo. Residents should please be advised that the newly-appointed team of baboon monitors are still in training. Thus a bit of patience while we get this vital service up and running again will be appreciated.

Nangona kunjalo, abo baphula umthetho oko kukuthi abasebenzi abangena ngokungekho mthethweni kwimihlaba yabantu okanye abo bagibisela iimfene ngamatye ngeenjongo yokuzigxotha kufanele ukuba baxelwe ngokukhawuleza kulo mnxeba okwigumbi lolawulo lomasipala othi: 028 313 8000 okanye 028 313 8111.

### INDAWO YOKUPAKA EMBINDINI WEDOLOPHU YASEHERMANUS UKUPHUMA NOKUNGENA KWINDAWO YOKUPAKA IMOTO



**UTania Gurha no Eric May**

Amagosa ajongene neendawo zokupaka anxibe izinxibo ezimnyama afaka neebhibhi ezi-orenji ngawonajongene nendawo yokupaka kumbindi wedolophu yaseHermanus phakathi evekini ukususela nge-08:30 ukuya kweye-16:15 kuze ngoMgqibelo ibe kukusuka nge-08:30 ukuya nge-13:00. Basebenza phantsi kweliso labaphanti babo nabo abanxibe iimpahla ezimnyama kodwa ibhibhi zibe luhlaza okwesibhakabhaka. Njengoko indawo yokupaka ifumaneka mahala ngeentsuku zeholide la magosa awasebenzi xa ilusuku lweholide.

Abantu abasebenzisa iindawo zokupaka ezikumbindi wedolophu kufanele baqaphele oku kulandelayo:

- Nokuba imoto yakho ipakwe phambi kweye-08:30 usenoxanduva lokuhlawula.
- Ukususela ngeye-08:30 uya kunyanzeleka ukuba uhlawule kwangoko kwaye ufumane nesiqinisekiso sentlawulo. Kodwa qaphela oku, akukho mali eyakubuyiswa ngenxa yokuba ungachithanga lonke ixesha ebeliqikelelwe.
- Lonke ilixa ususa isithuthi sakh uphinde ubuye ulindeleke ukuba uhlawule nokuba ubuhambe lingekapheli ixesha lakho kuqala.
- Akukho mizuzu yokupaka yamahala.
- Abantu abakhubazekileyo nabo bayahlawula ukuba bazakusebenzisa iindawo zethu zokupaka.
- Intlawulo yethu iqala kwi-R1 ngemizuzu eli-15 ukuya kuma-R28 kwiinyure ezisibhozo.

Nceda faka naziphi na izikhalazo zenkonzo yokupaka ku-Ingrid Mordiva kule nombolo 028 313 5020.

### UBUHLE OBUQUVILEYO ... Sititinishwe luhlaza lwemveli esi sangqa sezithuthi sele siyilungele intwasahlobo!

Ukuqinisekisa ukuba uyazana "namandla eetyatyambo qinisekisa ukuba awuphoswa ngumboniso weentyatyambo waminyaka le nomboniso omxholo wawo othi, "Ukuhlola amandla" oza kuququzelelwa yi-Whale Coast Conservation eFernkloof Nature Reserve ukususela ngomhla wama-25 ukuya kowama-28 Septemba. Le miboniso iza kuqala ngeye-09:00 de ibe yeye-16:30 yonke imihla. Amangeno ngama-R20 kubantu abadala abantwana abangaphantsi kweminyaka eli-12 bangena felefele.



**umandlalo wentyantyambo  
kwisekile ese Voëlkop**

### IKonsathi iOverberg Eisteddfod Prestige YZA UZOKONWABELA UNCUTHU MAZANGWA



NgoLwesithathu umhla we-17 Septemba 2014 abantu baseOverstrand bakuba nenyhweba yokubona kwakhona eqongeni italente esakulayo yaseOverstrand isenza edume ngazo eCivic Auditorium, eHermanus. Abaphumeleleyo kwiminyaka ngokwahlukana kwayo nangokwamanqanaba bakufumana ithuba lokucula kuze kukhethwe abaphumeleleyo. **IKonsathi iqala ngentsimbi ye-19:00 ungabhukisha eBELLINI GALLERY, kule nombolo 028 312 4988. Ngemibuzo ethe vetshe qhagamshelana noRené du Plooy kule nombolo 082 940 4238.**